

[www.BibleForChildren.org](http://www.BibleForChildren.org)



मती 14



“थारो मन दुखी नई होणो चईयै। परमेसर में बिस्वास राखो  
अर मेरै में बी बिस्वास राखो। मेरै पिता गै घर में रेण खातर  
भोत जिग्यां है। मैं थारै खातर जिग्यां तैयार करण खातर  
जाऊं हूं। जे जिग्यां ना होवंती तो मैं थानै बता देवंतो। अर मैं  
बठै जाऊंगा अर थारै खातर जिग्यां तैयार करूंगा तो मैं फेर  
अठै आऊंगा अर थानै

आपगै सागै ले  
जाऊंगा कै जठै  
मैं रेऊं बठै  
थे बी  
रेओ।”




में यूहना, थारो भाई, यीसू मसी गी बजह ऊं दुख,  
परमेसर गो राज अर धीरज में थारै सागै भागिदार  
हूं। मैं पतमुस नाम गै टापू में परमेसर गै

बचन अर यीसू गी गवाई देण  
गी बजह ऊं जेळ में हो।




जद मैं एकदम ई पवितर आत्मा ऊं भरग्यो अर मैं सुरग में  
एक सिंघासन देख्यो झिकै पर एक जणो बेठयो है।




फेर में धरती, पताळ, सुरग अर  
समुंदर गी सारी चिजां झिकी इमै  
है बानै ओ केवंता सुण्यो कै झिको  
सिंघासन पर बेठयो है बिंगो अर  
मेमणै गो धन्यवाद, आदर, मेमा  
अर राज हमेसा हमेसा रेवै।




फेर में नुअ यरुसलेम नै सुरग ऊं परमेसर कनूं उतरता देख्यो। बा इंया लागै ही जिंया एक बीनणी आपगै पति खातर सिंगार कर राख्यो होवै। फेर में सुरग ऊं आवंती ऊंची आवाज नै सुणी कै, देखो, परमेसर गो वास लोगां गै बिचाळै है अर बे बांगै सागै रेवैगा अर बे बांगा लोग हो'सी। परमेसर खुद बांगै सागै रेवैगो अर बांगो परमेसर होवैगो।



फेर बण मनै जीवन गै पाणी गी सुद्ध नदी दिखाई। आ नदी  
बिं नगर गी सडका गै बिचाळै बणेडी ही। आ साफ पाणी गी  
नदी परमेसर अर मेमणै गै सिंघासन ऊं निकळै ही।



बठै चांद सूरज गै चानणै गी लोड़ कोनी ही। क्यूंकै परमेसर  
गै तेज ऊं ई चानणो भरेडो हो। अर मेमणो बिंगो दीयो हो।






कोई तरियां गी गंदी चीज  
इमै आ कोनी सकैगी। अर  
ना असुद्ध अर झूठ बोलण  
आळा आवैगा। सिरफ बे ई  
आवैगा झिका गो नाम  
जीवन गी किताब में  
लिखेडो है।




परमेसर बांगी आंख्यां गा सारा  
आंसू पूंछ दैयगो। इंगै बाद  
मोत, दुख अर रोणो कोनी  
होवैगो, दर्द बी खत्म होज्यैगो,  
कयूंकै पुराणी बातां बीत गी।




अब ओर कोई सजा कोनी रेवैगी, पण सैहर में मेमणै गो अर परमेसर गो सिंघासन रेवैगो। अर बांगा सेवक बांगी सेवा करैगा। बे बांगी हजूरी में रेवैगा अर बांगै माथा पर यीसू गो नाम लिखेडो हो'सी।



अर फेर में छोटा मोटा झिका मरग्या हा, बानै सिंघासन सामै  
खड़या देख्या अर जद किताबा खोलीजी अर बिंगै बाद जीवन  
गी किताब खोलीजी अर बांगो न्याय बांगै कामा गै आधार पर  
होयो झिकां गो लेखो ई किताब में हो। झिकै गो नाम जीवन  
गी किताब में ना मिल्यो, बिनै आग गी  
झील में फेंक दियो।



पवित्र आत्मा अर बीनणी गो केणो है कै आओ झिको सुणै  
बो केवै है, आओ अर झिको तीस्यो है बो बी आओ। झिको  
इंया करैगो बो जीवन गो पाणी मुफ्त में पीयैगो।



क्यूँकै परमेसर संसार गै लोगां सागै इतो  
प्रेम करयो कै आपगो एकलोतो बेटो दे  
दियो कै झिको कोई बी बिं पर  
बिस्वास करै बो नास ना होवै पण  
अनन्त जीवन पावै।



रोमी 3:23 ईंखातर सारा लोग पाप करयो अर परमेसर  
गै सागै झिकी मेमा ही बा अब कोनी।

रोमी 6:23 क्यूंकै पाप गो इनाम मोत है पण झिको  
इनाम परमेसर देवै है बो आपणै प्रभु यीसू मसी में  
अनन्त जीवन है।

इब्रानी 9:27 जिंया मिनख गै मरण गो दिन बणेड़ो है,  
बियाई बिंगै न्याय गो बी दिन बणेड़ो है।

इफिसुस 2:8,9 क्यूंकै परमेसर गी किरपा गै द्वारा थारै  
बिस्वास गै कारण थानै मुकती मिलै। ओ परमेसर गो  
वरदान है पण थारै कानी ऊं कोनी।

ओ सारो आपणै करमा गो फळ कोनी है, इंया ना होवै  
कै आपां कीं बात पर घमण्ड कर सकां।



रोमी 10:9,10 कै जे थे आपगै मूं ऊं केवो कै यीसू ई प्रभु है अर आपगै मन में हिसो बिस्वास राखो हो कै परमेसर बिनै मरेडा मूं जीवंतो करयो तो थानै जरूर मुकती मिल ज्यैगी। क्यूँकै थे आपगै मन में हिसो बिस्वास राखो हो ईखातर परमेसर गी नजर में निरदोस बणो हो अर थे आपगै मूं ऊं केवो कै यीसू ई प्रभु है ईखातर परमेसर थानै मुकती देवै है।

यूहना 3:16,17 क्यूँकै परमेसर संसार गै लोगां सागै इतो प्रेम करयो कै आपगो एकलोतो बेटो दे दियो कै झिको कोई बी बिं पर बिस्वास करै बो नास ना होवै पण अनन्त जीवन पावै। परमेसर आपगै बेटै नै संसार गै लोगां नै सजा देण खातर कोनी भेज्यो पण बिंगै द्वारा संसार गै लोगां नै मुकती मिलज्यै ईखातर भेज्यो।





1 यूहन्ना 5:11-13 अर बा गवाई आ है: परमेसर  
आपां नै अनन्त जीवन दियो है अर बो जीवन  
बिंगे बेटे यीसू गे द्वारा मिल्यो है। झिको बिंगे बेटे  
नै मानै है, बिंगे कनै अनन्त जीवन है। पण  
झिको परमेसर गे बेटे नै कोनी मानै है, बो  
परमेसर गे सागै अनन्त जीवन कोनी जी सकै है।  
परमेसर में बिस्वास राखण आळो, थानै ऐ बातां  
ईखातर लिखण लागरयो हूं झिकै ऊं थे ओ  
जाणल्यो कै अनन्त जीवन थारो है।



यूहना 14; 2 कुरुन्थी 5; दरसण 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Bagri Bible (bgq) © 2023 (Active), Wycliffe Bible  
Translators, Inc. All rights reserved.  
© WIn Publishing Trust

<http://www.wycliffe.org>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

